



ZAPISNIK
4. sjednice Predstavničkog doma
Parlamentarne skupštine Bosne i Hercegovine,
održane 28. februara 2007. godine

Sjednica je počela u 10 sati. Prisustvovao je 41 poslanik (Azra Hadžiahmetović je izvjesno vrijeme zakasnila zbog neodgovornih obaveza). Odsustvovao je Vinko Zorić.

Predsjedavajući Vijeća ministara BiH opravdao je izostanak zbog službenog puta, a prisustvovali su ministri: Sredoje Nović, Božo Ljubić, Safet Halilović, Bariša Čolak, te zamjenici ministara: Marina Pendeš, Vilim Primorac i Fuad Kasumović.

Iz međunarodnih organizacija prisustvovali su predstavnici: OHR-a, OSCE-a, NATO-a, američke i rumunske ambasade. Također su prisustvovali predstavnici nevladinih organizacija CCI i Centra za promociju civilnog društva.

Na početku sjednice predsjedavajući Doma Beriz Belkić dao je kraće uvodne napomene u vezi sa sazivanjem sjednice i prijedlogom dnevnog reda, a nakon toga je predložio da, u okviru prethodnog pitanja, novi poslanik Jovan Todorović da' svečanu izjavu i tako preuzme poslaničku dužnost umjesto Nikole Špirića.

Prijedlog je prihvaćen.

Novi poslanik Jovan Todorović dao je pred Domom svečanu izjavu.

Poslije svečane izjave, predsjedavajući Belkić otvorio je raspravu o prijedlogu dnevnog reda.

Rifat Dolić rekao je da on nije dobio prijedloge zakona koji se nalaze na dnevnom redu, te da, stoga, nije spreman o njima raspravljati. Podsjetio je da do sada u Parlamentu nije potvrđeno 18 zakona koje je proglasio Visoki predstavnik na privremenoj osnovi, pa je predložio da se uvrste u dnevni red ove sjednice.

Predsjedavajući Belkić odgovorio je da su svim poslanicima dostavljeni svi materijali koji se nalaze u parlamentarnoj proceduri, s naznakom u kojoj se fazi procedure nalaze. Što se tiče zakona Visokog predstavnika, obavijestio je da je Kolegij zauzeo stav da se usvoje zakoni o usvajanju tih zakona i da će oni biti uvršteni u dnevni red naredne sjednice.

Jozo Križanović predložio je da se u dnevni red uvrsti prijedlog zaključka u vezi s povratkom tzv. alžirske grupe iz Gvantanama, koji je na prošloj sjednici dao Zlatko Lagumdžija u okviru tačke "Potvrđivanje imenovanja ministara i zamjenika ministara". Tekst zaključka je sljedeći: "Zadužuje se Vijeće ministara BiH da, uz punu koordinaciju nadležnih ministarstava, a prije svega Ministarstva pravde BiH, Ministarstva za ljudska prava BiH i Ministarstva vanjskih poslova BiH i uz pomoć Predsjedništva BiH, pristupi izradi i realizaciji mape puta za povratak «bh. šestorke» Gvantanama, o čemu će za tri mjeseca podnijeti izvještaj.»

U raspravi o prijedlogu dnevnog reda Momčilo Novaković pročitao je inicijativu za rekonstrukciju Vijeća ministara BiH kroz smjenu ministra vanjskih poslova Svena Alkalaja.

Branko Dokić predložio je da se s dnevnog reda skine zahtjev Plamenka Čustovića za razrješenje dužnosti člana Upravnog odbora Javnog RTV servisa BiH, jer je povukao zahtjev, a Komisija je Kolegiju predložila da od Upravnog odbora zatraži izvještaj, jer je Upravni odbor i po zakonu obavezan Parlamentu podnijeti izvještaj o svom radu u prošloj godini, a u okviru Izvještaja na dnevni red će doći i sva pitanja koja su dovela do konkretne situacije, rekao je Dokić.

Halid Genjac iznio je poslovničku intervenciju, misleći da je Novaković tražio da se Inicijativa za rekonstrukciju Vijeća ministara BiH uvrsti u dnevni red ove sjednice.

Poslije rasprave predsjedavajući je na glasanje dao dva prijedloga za izmjenu, odnosno dopunu dnevnog reda, a to su prijedlozi Križanovića i Dokića.

Prijedlog Joze Križanovića da se u dnevni red uvrsti predloženi zaključak usvojen je u drugom krugu glasanja. U prvom krugu "za" je glasao 21 (Federacija BiH 18, RS tri), "protiv" tri, "suzdržalo" se sedam poslanika. U drugom krugu glasanja iz Republike Srpske "protiv" su glasala četiri poslanika, što je manje od dvije trećine iz entiteta.

Prijedlog Branka Dokića usvojen je sa 33 glasa "za", dva "suzdržana" i dva "protiv".

Predsjedavajući Belkić konstatirao je da 4. sjednica Doma ima sljedeći

DNEVNI RED

1. Usvajanje Zapisnika 3. sjednice Predstavničkog doma;
2. Poslanička pitanja i odgovori;
3. Prijedlog odluke o utvrđivanju prestanka mandata poslaniku u Predstavničkom domu:
 - a) Draganu Vrankiću zbog potvrđivanja imenovanja na dužnost ministra finansija i trezora i zamjenika predsjedavajućeg Vijeća ministara BiH,
 - b) Borjani Krišto zbog potvrđivanja imenovanja na dužnost predsjednika Federacije BiH;
4. Potvrđivanje imenovanja:
 - a) zamjenika ministra komunikacija i prometa,
 - b) zamjenika ministra civilnih poslova,
 - c) zamjenika ministra odbrane za politiku i planiranje.
5. Zahtjev Vijeća ministara BiH za razmatranje Prijedloga zakona o izmjenama i dopunama Zakona o Vijeću ministara BiH po hitnom postupku, u skladu s članom 105. Poslovnika;
6. Zahtjev Vijeća ministara BiH za razmatranje Prijedloga zakona o izmjeni Zakona o službi u Oružanim snagama BiH po hitnom postupku, u skladu s članom 104. Poslovnika;
7. Zahtjev Vijeća ministara BiH za razmatranje Prijedloga okvirnog zakona o predškolskom odgoju i obrazovanju po hitnom postupku, u skladu s članom 104. Poslovnika;
8. Zahtjev Vijeća ministara BiH za razmatranje Prijedloga zakona o Agenciji za predškolsko, osnovno i srednje obrazovanje po hitnom postupku, u skladu s članom 104. Poslovnika;
9. Izveštaj Komisije Kolegija o nastojanju za postizanje sporazuma o Odluci o predmetu, obimu i vrsti koncesije u svrhu izgradnje Autoputa na Koridoru Vc;
10. Prijedlog zakona o prekršajima (prvo čitanje);
11. Imenovanje jednog člana Centralne izborne komisije BiH iz reda hrvatskog naroda i jednog člana iz reda ostalih (listu kandidata utvrdila je Komisija za izbor i imenovanje);
12. Razmatranje zahtjeva Plamenka Čustovića za razrješenje dužnosti člana Upravnog odbora Javnog radiotelevizijskog servisa BiH;
13. Davanje saglasnosti za ratifikaciju:
 - a) Sporazuma između Ministarstva sigurnosti BiH i Saveznog ministarstva unutrašnjih poslova Republike Austrije o policijskoj saradnji,
 - b) Sporazuma o zračnom saobraćaju između Vijeća ministara BiH i Vlade Republike Liban,
 - c) Sporazuma između Vijeća ministara BiH i Savezne vlade Austrije o readmisiji lica koja imaju ilegalan boravak,
 - d) Sporazuma o razvojnom kreditu (Projekat restrukturiranja obrazovanja) između Bosne i Hercegovine i Međunarodne asocijacije za razvoj,
 - e) Sporazuma između Vijeća ministara BiH i Vlade Republike Slovačke o readmisiji lica,
 - f) Sporazuma između Vijeća ministara BiH i Vlade Republike Slovačke o saradnji u borbi protiv kriminala, a posebno terorizma, nedozvoljene trgovine narkoticima i organiziranog kriminala,
 - g) Sporazuma o finansiranju (Projekat registracije zemljišta) između Bosne i Hercegovine i Međunarodne asocijacije za razvoj (IDA),
 - h) Trgovinskog sporazuma između Bosne i Hercegovine i Vlade Hašemitske Kraljevine Jordan,

- i) Sporazuma između Bosne i Hercegovine i Vlade Hašemitske Kraljevine Jordan o recipročnom unapređenju i zaštiti investicija,
- j) Sporazuma između Vijeća ministara BiH i Vlade Kraljevine Švedske o pojednostavljenoj proceduri readmisije lica koja nemaju dozvolu ulaska ili boravka,
- k) Evropske socijalne povelje (revidirana),
- l) Sporazuma o finansiranju ECSEE (Projekat – Komponenta za Bosnu i Hercegovinu) između Bosne i Hercegovine i Međunarodne asocijacije za razvoj,
- m) Konvencije o policijskoj saradnji za Jugoistočnu Evropu,
- n) Sporazuma između Bosne i Hercegovine i Republike Indije o utvrđivanju i zaštiti investicija,
- o) Sporazuma o zračnom saobraćaju između Vijeća ministara BiH i Vlade Velike Socijalističke Narodne Libijske Arapske Džamahirije,
- p) Sporazuma između Bosne i Hercegovine i zemalja Beneluksa (Kraljevine Belgije, Kraljevine Holandije i Velikog Vojvodstva Luksemburg) o readmisiji i ponovnom vraćanju lica koja su ušla i/ili borave bez ovlaštenja i Protokola o implementaciji Sporazuma između Bosne i Hercegovine i zemalja Beneluksa o readmisiji i ponovnom vraćanju lica koja su ušla i/ili borave bez ovlaštenja,
- q) Multilateralnog sporazuma o zračnom saobraćaju između Evropske zajednice i njenih zemalja članica, Republike Albanije, Bosne i Hercegovine, Republike Bugarske, Republike Hrvatske, bivše Jugoslavenske Republike Makedonije, Republike Island, Republike Crne Gore, Kraljevine Norveške, Rumunije, Srbije i Privremene administrativne misije Ujedinjenih naroda na Kosovu o uspostavljanju evropske zajedničke zrakoplovne oblasti (ECAA),
- r) Sporazuma između Visokog predstavnika za BiH i Bosne i Hercegovine o Uredu registrara za Odsjek I. za ratne zločine i Odsjek II. za organizirani kriminal, privredni kriminal i korupciju Krivičnog i Apelacionog odjela Suda BiH, kao i Posebnog odjela za ratne zločine, te Posebnog odjela za organizirani kriminal, privredni kriminal i korupciju Tužilaštva BiH, kao i o osnivanju Tranzicionog vijeća kojim se zamjenjuje Sporazum o uspostavi Ureda registrara od 1. decembra 2004. i Dodatak tog sporazuma,
- s) Sporazuma o izmjenama i dopunama Ugovora o finansiranju između Bosne i Hercegovine i Evropske investicione banke – Projekat za puteve BiH (Sarajevska zaobilaznica),
- t) Sporazuma između Vijeća ministara BiH i Vlade Republike Slovenije o prihvatu lica čiji je boravak nezakonit i Protokola između Vijeća ministara BiH i Vlade Republike Slovenije o provođenju Sporazuma između Vijeća ministara BiH i Vlade Republike Slovenije o prihvatu lica čiji je boravak nezakonit,
- u) Ugovora o finansiranju između Bosne i Hercegovine i Evropske investicione banke – Projekat rekonstrukcije puteva u Republici Srpskoj,
- v) Okvirnog ugovora o kreditu F/P 1523 između Bosne i Hercegovine i Razvojne banke Vijeća Evrope – Projekat obnove Gimnazije Mostar,
- w) Konvencije o zaštiti ljudskih prava i dostojanstva ljudskog bića po pitanju primjene biologije i medicine,
- x) Okvirnog kreditnog sporazuma F/P 1520. između Bosne i Hercegovine i Razvojne banke Vijeća Evrope – finansiranje rekonstrukcije sistema primarne zdravstvene zaštite,
- y) Projektni kreditni sporazum – Projekat unapređenja ruralnog preduzetništva između Bosne i Hercegovine i Međunarodnog fonda za poljoprivredni razvoj (IFAD).

Bekir Izetbegović dao je primjedbu što u Zapisnik nije uneseno da je on zatražio da Vijeće ministara BiH podnese Domu program svog rada za 2007. godinu kako bi se na kraju mogao razmatrati i izvještaj o radu.

Martin Raguž zatražio je da se na str. 5. Zapisnika precizira da je Zlatko Lagumdžija predložio da se Jozo Križanović uvrsti u članstvo Ustavnopravne komisije umjesto Martina Raguža.

Zlatko Lagumdžija replicirao je Ragužu rekavši da je on to kasnije rekao na insistiranje u raspravi da kaže umjesto koga predlaže Jozu Križanovića, te predložio da u Zapisniku ostane kako jeste, a da se, ako Raguž insistira, doda ovo što je on rekao. Vezano za primjedbu Izetbegovića, Lagumdžija je rekao da je i on u svojoj diskusiji podržao njegov prijedlog i da je u raspravi bilo još prijedloga o kojima se nije glasalo, ali da bi bilo dobro da se nađu u Zapisniku. Predložio je da se u tom smislu Zapisnik dopuni i da se usvoji na narednoj sjednici Doma.

Sefer Halilović rekao je da je primjetno da su u 4. tački (komisije Doma) prijedlozi iz rasprave dati u Zapisniku, a u 3. tački su samo navedena imena učesnika. Također je predložio da se Zapisnik dopuni unošenjem prijedloga iz rasprave.

Milorad Živković rekao je da je dosadašnja praksa bila da se u zapisnik unose imena učesnika u raspravi, bez navođenja šta je ko rekao, a da je transkript sjednice sastavni dio Zapisnika i svaki poslanik ima pravo izvršiti uvid. Složio se, međutim, s poslanicima da je izuzetno bila važna rasprava u vezi s imenovanjem Vijeća ministara BiH i da se u ovom smislu može napraviti izuzetak pa da se transkript, kao sastavni dio zapisnika, dostavi svim poslanicima. Predložio je da se uz ovaj zaključak usvoji Zapisnik.

Predsjedavajući Belkić iznio je mišljenje da se mogu prihvatiti primjedbe koje je iznio Izetbegović, a kasnije i Lagumdžija, da se Zapisnik dopuni unošenjem prijedloga zaključaka iznesenih u raspravi povodom potvrđivanja imenovanja ministara i zamjenika. U vezi s intervencijom Raguža, predsjedavajući je rekao da je tačno i ovo što je rekao Lagumdžija, da je prvo insistirano da se Jozo Križanović uvrsti u Ustavnopravnu komisiju bez navođenja umjesto koga, ali da je na kasnije insistiranje u raspravi rečeno umjesto Martina Raguža. Predložio je da se Zapisnik usvoji uz iznesene primjedbe i sugestije.

Zlatko Lagumdžija insistirao je da se prvo izvrše dopune, pa da se onda Zapisnik usvoji.

Nakon rasprave predsjedavajući je Zapisnik dao na glasanje, sa zaključkom da se izvrše korekcije u pravcu unošenja u Zapisnik intervencija, prijedloga i inicijativa vezanih za sve tačke dnevnog reda, a naročito za tačku Potvrđivanje imenovanja ministra i zamjenika ministra u Vijeću ministara BiH.

Zapisnik je, uz predloženi zaključak, usvojen sa 28 glasova ‘za’, četiri ‘protiv’ i jednim ‘suzdržanim’.

Ad – 2. Poslanička pitanja i odgovori

Na sjednici su postavljena pitanja kako slijedi:

Milorad Živković:

U vezi s dopisom koji je ministar vanjskih poslova BiH uputio Ministarstvu vanjskih poslova Srbije, kojim ih obavještava da je prestao važiti Sporazum o dvojnomo državljanstvu između BiH i Srbije, postavio pitanja:

«Da li ministar vanjskih poslova BiH stoji i dalje iza navedenog dopisa? Koje je od nadležnih institucija ministar konsultirao u ovom procesu? Da li ministar ima namjeru uputiti pismo izvinjenja Ministarstvu vanjskih poslova Srbije? Smatra li ministar da bi bila moralna obaveza svakog zvaničnika da nakon ustanovljavanja drastične zloupotrebe položaja podnese ostavku?»

Bakir Izetbegović:

U vezi s presudom Međunarodnog suda pravde u Hagu po tužbi BiH protiv Srbije i Crne Gore, iznio je sljedeći prijedlog:

«Predlažem da Predsjedništvo BiH i Vijeće ministara BiH sačine prijedlog mjera za saniranje posljedica genocida u kojem će precizno biti navedeno šta i ko u državi Bosni i Hercegovini mora uraditi i u kojem roku. Predlažem da se nakon toga organizira tematska sjednica ovog ili oba doma Parlamentarne skupštine BiH, na kojoj bi se taj dokument usvojio.»*

Šefik Džaferović:

«Da li je, a ako nije, kada će Predsjedništvo BiH razmatrati stanje bilateralnih ugovora zaključenih između BiH i SRJ, odnosno Državne zajednice SiCG. Ovo pitanje je nužno razmatrati nakon razdvajanja SiCG i nastanka dvije zasebne države...»

Husein Nanić:

«1. Kada će početi primjena Sporazuma između Bosne i Hercegovine i Republike Slovenije o izbjegavanju dvostrukog oporezivanja i sprečavanja utaje poreza u odnosu na poreze na dohodak i imovinu?

2. Kada je u planu završetak procedure oko usvajanja sporazuma o socijalnom osiguranju i njegova primjena?

3. Tražim da se dostavi informacija o staroj deviznoj štednji naših državljana u Ljubljanskoj banci, kakav je status te štednje, šta Vijeće ministara BiH preduzima ili će preduzimati da se izvrši njen povrat? Molim pisani odgovor.»

Drago Kalabić:

«Za ministra Tarika Sadovića.

Molim Vas da nam dostavite informaciju Vašeg ministarstva sa sigurnosnog aspekta, te u svjetlu međunarodne pozicije BiH o djelovanju vjerske zajednice pod nazivom «vehabije».

Remzija Kadrić:

1. «Kada i koje aktivnosti Vijeće ministara BiH, Predsjedništvo BiH i Kolegij Predstavničkog doma namjeravaju preduzeti povodom presude Međunarodnog suda pravde u Hagu od 26. februara ove godine, kojom je potvrđeno da je u BiH počinjen genocid nad bošnjačkim narodom?»

2. «Šta će Vijeće ministara BiH i OHR (Ured visokog predstavnika za BiH) učiniti da se zaustavi oduzimanje i otimanje privatne imovine u BiH (kao što su slučajevi Istočno Goražde (Kopači), Doboj – Kotorsko, Bijeljina, Bratunac i druga mjesta)?»

Sadik Sado Bahtić:

1. «Za ministra saobraćaja i komunikacija: Šta planirate uraditi na prometnom uvezivanju Unsko-sanskog kantona – Bihaća s Koridorom Vc... Šta je s Bihaćem? Da li ćemo mi Krajišnici jedini ostati odsječeni od centra BiH – Sarajeva i biti slijepo crijevo u državi?»

2. «Za Ministarstvo pravde – nadležnom tužilaštvu: Da li ćete, prema važećem Krivičnom zakonu, pokrenuti istragu protiv dr. Zlatka Lagumdžije i ostalih vezano za aferu na Ekonomskom fakultetu u Sarajevu, gdje su dr. Zlatko Lagumdžija i ostali nezakonito dobili bespovratne pozajmice i time oštetili državu za značajna budžetska sredstva? Da li će dr. Zlatko Lagumdžija i ostali vratiti budžetski novac koji su nezakonito dobili? ...Da li će doći do postupka gdje će se izvršiti oduzimanje nelegalno stečene imovine?»

3. «Za ministra finansija: Da li planirate na početku svog mandata uraditi zakon o plaćama za sve budžetske korisnike, izabrane zvaničnike, službenike i namještenike na nivou BiH?»

Azra Alajbegović:

Podnijela Inicijativu za planiranje sredstava u Budžetu za 2007. za znatno izdvajanje za nauku: Komisiji za finansije i budžet Predstavničkog doma PSBiH i Vijeću ministara BiH.

* Uvodni tekst uz pitanja ili obrazloženja pitanja poslanika dostavit će se instituciji od koje se traži odgovor, kao i cijeli transkript u okviru tačke "Poslanička pitanja i odgovori".

«Na sjednici 25.2.2007. će se, navodno, razmatrati Zakon o visokom obrazovanju, te u tom kontekstu pokrećem inicijativu prema Vijeću ministara BiH da pripremi i dostavi u parlamentarnu proceduru sljedeće zakone kako bismo u potpunosti imali zakonsku bazu za reformu visokog obrazovanja:

- zakon o državnim univerzitetima
- državnu regulativu za visoko obrazovanje
- strategiju visokog obrazovanja, nauke, umjetnosti i tehnologije
- zakon o visokom obrazovanju
- državnu agenciju za akreditaciju visokog obrazovanja
- odluku o razvoju mreže univerziteta
- centar za razvoj nauke
- državni mehanizam za popularizaciju nauke».

Slavko Jovičić:

U vezi s pitanjima Bakira Izetbegovića i Remzije Kadrića pokrenuo inicijativu sljedećeg sadržaja:

«Evo, pitanje za nadležne institucije koje se budu bavile naznačenim problemima, da pomognu ljudima iz Srebrenice oko reparacije, povratka i stvaranja uslova za povratak, da srpska strana predloži barem jedan grad ili jedno mjesto gdje su Srbi stradali, a da isto tako uradi i hrvatska strana, ne želeći time da pravim bilo kakav paritet ili balans između počinjenih zločina i žrtava, već radi ukupnog stanja u BiH, međunacionalnih odnosa i pomirenja.»

Branko Dokić:

«Inicijativa prema predsjedavajućem Vijeća ministara BiH Nikoli Špiriću: da pokrene pitanje odgovornosti ministra vanjskih poslova BiH Svena Alkalaja zbog toga što je svojim pokušajem da stavi van snage bilateralni sporazum o dvojnem državljanstvu BiH s Republikom Srbijom postupio suprotno odredbama Zakona o postupku zaključivanja i izvršavanja međunarodnih ugovora – član 33. stav 2.»

Rifat Dolić:

«Pitanje MVP - Postoje li zvanični podaci ili pouzdane procjene o broju građana BiH koji žive u svijetu, a uzeli su državljanstva zemalja s kojima BiH nema sporazum o dvojnem državljanstvu i nisu se odrekli ili ispicali iz državljanstva BiH?

Koliki je broj ili procjena broja naših građana s ovakvim statusom i šta BiH namjerava preduzimati kako ne bi izgubili ove građane, jer ukoliko budu uslovljeni da se odreknu državljanstva BiH bojim se da će njih 99% to nerado morati učiniti?» (Traži pisani odgovor).

Hadži Jovan Mitrović:

«Pitanje upućujem Ministarstvu pravde koje glasi:

1. Da li Ministarstvo pravde smatra da sporazum koji je potpisan između Ministarstva pravde Kantona Tuzla i Specijalnog tužilaštva u Beogradu za SO Zvornik po osnovu sumnje za ratne zločine, da je u skladu sa Ustavom i zakonima BiH, s obzirom da SO Zvornik niti je u Kantonu Tuzla niti u Srbiji, već u BiH i Republici Srpskoj. I ako nije, hoće li Ministarstvo poništiti ovaj sporazum i kada?

2. Da li se za lica za koja postoji sumnja da su počinila ratni zločin na određenoj teritoriji može voditi postupak na drugoj teritoriji za koju ne postoji sumnja, izuzev Sarajeva, i područja na kojem postoji sumnja? Ponovo je ovo pitanje vezano za Zvornik gdje se lica odvođe u Tuzlu a ne u mjesto za koje postoji sumnja.»

Ad – 3. Prijedlog odluke o utvrđivanju prestanka mandata poslaniku u Predstavničkom domu:

- a) Draganu Vrankiću zbog potvrđivanja imenovanja na dužnost ministra finansija i trezora i zamjenika predsjedavajućeg Vijeća ministara BiH,

b) Borjani Krišto zbog potvrđivanja imenovanja na dužnost predsjednika Federacije BiH

Bez rasprave, Dom je donio odluke o prestanku mandata poslanika:

- Dragana Vrankića – zbog odlaska na dužnost ministara finansija i trezora i zamjenika predsjedavajućeg Vijeća ministara BiH (‘za’ glasao 31, ‘suzdržao’ se jedan poslanik)
- Borjani Krišto – zbog odlaska na dužnost predsjednika Federacije BiH (‘za’ glasalo 29, ‘suzdržala’ se dva poslanika).

Ad – 4. Potvrđivanje imenovanja:

- d) zamjenika ministra komunikacija i prometa
- e) zamjenika ministra civilnih poslova,
- f) zamjenika ministra odbrane za politiku i planiranje

Predsjedavajući Predstavničkog doma pročitao je Odluku predsjedavajućeg Vijeća ministara BiH o imenovanju zamjenika ministara odbrane, prometa i komunikacija i civilnih poslova.

Nije bilo rasprave.

Sa 27 glasova ‘za’ (Federacija BiH 16, RS 11), sedam ‘protiv’ i jednim ‘suzdržanim’, Dom je potvrdio odluku predsjedavajućeg Vijeća ministara BiH o imenovanju:

1. Veselina Poljaševića - za zamjenika ministra komunikacija i prometa
2. Senada Šepića - za zamjenika ministra civilnih poslova
3. Igora Crnatka - za zamjenika ministra odbrane za politiku i planiranje.

Nakon potvrđivanja imenovanja zamjenici ministara su pred Predstavničkim domom dali svečanu izjavu.

Ad – 5. Zahtjev Vijeća ministara BiH za razmatranje Prijedloga zakona o izmjenama i dopunama Zakona o Vijeću ministara BiH po hitnom postupku, u skladu s članom 105. Poslovnika

Poslije kraćih uvodnih napomena predsjedavajućeg, u raspravi su učestvovali: Drago Kalabić, Momčilo Novaković i Šefik Džaferović.

Drago Kalabić rekao je da Klub SNSD-a smatra da se ne može prihvatiti zahtjev za hitni postupak zato što smatraju da novoizabranom Vijeću ministara BiH treba dati mogućnost i da se ovaj zakon tiče njih, te da oni neće glasati za traženu proceduru.

Momčilo Novaković naglasio je da ni Klub SDS-a neće podržati hitni postupak, već da se da mogućnost da se na predloženi zakon može amandmanski djelovati.

Šefik Daferović rekao je da Predstavnički dom Parlamentarne skupštine BiH treba omogućiti kontinuitet u funkcioniranju institucija u svakom aspektu, pa i u pogledu onoga što je radilo Vijeće ministara BiH u prethodnom mandatu. Dalje je, pored ostalog, rekao da je prijedlog ovog zakona na Vijeću ministara BiH usvojen jednoglasno i da je prošlo toliko vremena od njegovog dostavljanja Parlamentu da se više i ne može govoriti o hitnom postupku. Naglasio je da misli da se više ne može čekati s rješavanjem pitanja koja regulira ovaj zakon, te apelirao da to svi poslanici imaju u vidu i da daju podršku i proceduri i Zakonu.

Poslije rasprave predsjedavajući je zahtjev za hitni postupak dao na glasanje.

‘Za’ je glasalo 20 (Federacija BiH 18, RS dva), ‘protiv’ 14 poslanika.

Kako nije bilo entitetske većine, odmah je provedeno usaglašavanje u Kolegiju kao komisiji, prilikom čega nije postignuta saglasnost.

U drugom krugu glasanja iz Federacije BiH ‘protiv’ su glasala dva, iz Republike Srpske 12 poslanika, što je više od 2/3 iz entiteta.

Predsjedavajući je konstatirao da nije usvojen zahtjev za hitni postupak i da će se Prijedlog zakona iz ove tačke razmatrati u redovnoj proceduri.

Ad – 6. Zahtjev Vijeća ministara BiH za razmatranje Prijedloga zakona o izmjeni Zakona o službi u

Oružanim snagama BiH po hitnom postupku, u skladu s članom 104. Poslovnika

O ovoj tački nije bilo rasprave.

Sa 28 glasova ‘za’ i jednim ‘protiv’, usvojen je zahtjev za proceduru po članu 104. Poslovnika.

Ad – 7. Zahtjev Vijeća ministara BiH za razmatranje Prijedloga okvirnog zakona o predškolskom odgoju i obrazovanju po hitnom postupku, u skladu s članom 104. Poslovnika

Snježana Rajilić kazala je da je, proučavajući ovaj zakon, došla do informacije da predloženi tekst nije istovjetan s tekstom koji je usaglašen u radnoj grupi, zbog čega je predložila da se Prijedlog zakona vrati Vijeću ministara BiH na izjašnjavaње.

Predsjedavajući Belkić podsjetio je da se sada ne raspravlja o sadržaju zakona već o zahtjevu za proceduru.

Šefik Džferović je, pored ostalog, rekao da stvari ne bi trebalo vraćati nazad, već da se usvoji procedura, a u nadležnoj komisiji tek slijedi rasprava o suštini. Napomenuo je da se u skraćenoj proceduri mogu ulagati amandmani, pa je apelirao na poslanike da prihvate zahtjev za proceduru po članu 104. Poslovnika.

Replikirali su Drago Kalabić i Momčilo Novaković, koji su podržali prijedlog Snježane Rajilić.

Beriz Belkić je, pored ostalog, rekao da je čitav niz prethodnih pitanja koja se usaglašavaju i ako se ne usaglase Parlament ne može raditi, pa se postavlja pitanja da li Parlament samo treba da aminuje što se neko dogovori, čime su njegove izvorne funkcije na neki način dovedene u pitanje. Naglasio je da razumije da poslanici iz RS-a imaju određene informacije, ali da on ima informacije koje drugo govore, pa kad bi se sad oko toga ubjeđivali otišli bi daleko. Zato je apelirao da se rasprava koncentrira na proceduru, a ne na sadržaj zakona.

U raspravi i replikama dalje su učestvovali: Momčilo Novaković, Selim Bešlić i Sadik Bahtić. Zatim je predsjedavajući zahtjev predlagača za proceduru dao na glasanje.

‘Za’ je glasalo 18 (Federacija BiH 16, RS dva), ‘protiv’ 13, ‘suzdržao’ se jedan poslanik. Provedeno je odmah usaglašavanje u Kolegiju kao komisiji i nije bilo saglasnosti.

U drugom krugu glasanja iz Republike Srpske protiv je glasalo 13 poslanika.

Predsjedavajući je konstatirao da nije usvjen zahtjev predlagača da se Prijedlog zakona iz ove tačke razamtra po članu 104, pa će se razmatrati u redovnoj proceduri.

Ad – 8. Zahtjev Vijeća ministara BiH za razmatranje Prijedloga zakona o Agenciji za predškolsko, osnovno i srednje obrazovanje po hitnom postupku, u skladu s članom 104. Poslovnika

O ovoj tački diskutirala je Snježana Rajilić. Naglasila je da je njena argumentacija slična i za ovaj kao za Prijedlog zakona iz prethodne tačke i da predlaže da se također vrati Vijeću ministara BiH. Zatražila je da se prenese Vijeću ministara BiH da se ovakve stvari više ne dešavaju, jer je, najblaže rečeno, neodgovorno da se u proceduru uputi prijedlog zakona npr. sedam dana prije nego što je u radnoj grupi završen posao.

Nije bilo više rasprave pa je predsjedavajući zahtjev za proceduru dao na glasanje.

‘Za’ je glasao 21 (Federacija BiH 19, RS dva), ‘protiv’ 13, ‘suzdržala’ su se dva poslanika. Nakon usaglašavanja u Kolegiju (nije bilo saglasnosti) u drugom krugu glasanja iz RS-a ‘protiv’ zahtjeva glasalo je 11 poslanika.

Predsjedavajući je konstatirao da nije usvojen zahtjev za proceduru i da će se Prijedlog zakona razmatrati u redovnoj proceduri.

Ad – 9. Izvještaj Komisije Kolegija o nastojanju za postizanje sporazuma o Odluci o predmetu, obimu i vrsti koncesije u svrhu izgradnje Autoputa na Koridoru Vc

Predsjedavajući Belkić podsjetio je da u Kolegiju nije postignuta saglasnost o Odluci i da je potrebno provesti drugi krug glasanja u skladu s Poslovnikom.

Šefik Džaferović se u diskusiji založio da se Odluka usvoji, a ako ne, da se zaduži nadležna komisija da Prijedlog odluke ponovo razmotri kako bi se vidjelo u čemu je problem. Pored ostalog, rekao je da je potpisan sporazum o uspostavljanju parlamentarne većine, što podrazumijeva i ciljeve i zadatke, pri čemu je jedan od ključnih ekonomija BiH i izgradnja Autoputa na Koridoru Vc. Pozvao je poslanike da ne dozvole da Odluka padne.

Milorad Živković rekao je da nije data saglasnost na Odluku iz nekoliko vrlo bitnih razloga i da je on na Kolegiju tražio da se iz ove situacije izađe na način kako je predložio Džaferović. Naglasio je da on smatra da je Odluka preuranjena zbog nedostaka pravne regulative – kao što je nedostatak zakona o putevima, kao i propisa koji operativno treba da prate ovu odluku. Odluka je u nekim dijelovima i nejasna, što može dati mogućnost dvosmislene intepretacije, rekao je Živković. Predložio je da Dom usvoji zaključak kojim se Odluka upućuje Vijeću ministara BiH radi dodatnih konsultacija s entitetskim vladama i Vladom Brčko Distrikta BiH.

Predsjedavajući Belkić odgovorio je da, nažalost, Poslovnik ne dopušta ovakav način rada i da se Dom mora izjasniti, a što ne sprečava da se nakon glasanja o Odluci glasa i o predloženom zaključku.

Dalje su u raspravi o ovoj tački učestvovali: Martin Raguž, Selim Bešlić, Sadik Bahtić, Zlatko Lagumdžija, Šefik Džaferović, Milorad Živković, Momčilo Novaković, Rifat Dolić i Snježana Rajilić. Izraženi su suprotstavljeni stavovi, od onih da se Prijedlog odluke uputi Vijeću ministara BiH, nadležnoj komisiji, do protivljenja iznesenom prijedlogu zaključka.

Poslije rasprave predsjedavajući Belkić konstatirao da se ipak treba okončati propisana procedura o Prijedlogu odluke, pa je proveo glasanje u drugom krugu.

“Protiv” Prijedloga odluke iz Republike Srpske je glasalo 11, iz Federacije BiH dva poslanika.

Predsjedavajući je konstatirao da nije usvojena Odluka o predmetu, obimu i vrsti koncesije u svrhu izgradnje Autoputa na Koridoru Vc.

Ad – 10. Prijedlog zakona o prekršajima (prvo čitanje)

U uvodnim napomenama predsjedavajući Belkić je rekao da je nadležna komisija dostavila izvještaj, prihvatila Prijedlog zakona s jednim amandmanom usvojenim na komisiji, a da u plenarnoj fazi nije bilo amandmana.

Nije bilo rasprave pa je predsjedavajući proveo glasanje u prvom čitanju.

Prijedlog zakona o prekršajima usvojen je jednoglasno u prvom čitanju.

Kako je Prijedlog zakona usvojen jednoglasno, predsjedavajući je rekao da misli da su se stekli uslovi da se pređe odmah i u drugo čitanje i pozvao da se Dom o tom prijedlogu izjasni.

Međutim, prijedlogu se usprotivio Drago Kalabić u ime Kluba SNSD-a, rekavši da ipak treba ostaviti vremena da se eventualno tekst zakona poboljša u skladu s procedurom. Ovim povodom u raspravi su dalje učestvovali: Šefik Džaferović, Milorad Živković, Drago Kalabić, Beriz Belkić i Halid Genjac.

Poslije rasprave predsjedavajući je konstatirao da nema saglasnosti za drugo čitanje.

Ad – 11. Imenovanje jednog člana Centralne izborne komisije BiH iz reda hrvatskog naroda i jednog člana iz reda ostalih (listu kandidata utvrdila je Komisija za izbor i imenovanje)

U uvodnim napomenama predsjedavajući Belkić podsjetio je poslanike da je Ad hoc komisija za izbor i imenovanja, nakon provedenog konkursa, dostavila listu kandidata za izbor po jednog člana Centralne izborne komisije BiH iz reda hrvatskog naroda i iz reda ostalih.

Nije bilo rasprave.

Selim Bešliagić postavio je pitanje u vezi s glasanjem.

Predsjedavajući je napomenuo da će se glasanje o kandidatima izvršiti redosljedom koji je dala Komisija, pa je proveo glasanje.

Rezultati glasanja za kandidate iz hrvatskog naroda su kako slijedi:

1) Lidija Korać - "za" 13 (Federacija BiH 12, RS jedan), "protiv" 11, "suzdržanih" osam.

Nakon usaglašavanja u Kolegiju kao komisiji, u drugom krugu glasanja iz Republike Srpske "protiv" je glasalo 11 poslanika.

2) Marin Vukoja - "za" dva, "protiv" 25, "suzdržanih" devet.

3) Boso Bošnjak - nije bilo glasova "za", "protiv" 25, "suzdržanih" 10.

4) Mile Kudić - "za" 27 (Federacija BiH 15, RS 12), "protiv" sedam, "suzdržan" jedan.

Predsjedavajući Belkić konstatirao je da je iz hrvatskog naroda za člana Centralne izborne komisije BiH imenovan Mile Kudić.

Zatim je provedeno glasanje za kandidate iz reda ostalih, s rezultatima kako slijedi:

1) Lidija Vidić - "za" 11, "protiv" 19, "suzdržanih" pet.

2) Vehid Šehić - "za" 23 (Federacija BiH 21, RS dva), "protiv" 10, "suzdržana" dva.

Nakon usaglašavanja u Kolegiju, u drugom krugu iz RS-a "protiv" je glasalo 10 poslanika.

3) Srđan Vukadinović - "za" dva, "protiv" 28, "suzdržanih" pet poslanika.

Predsjedavajući Belkić konstatirao je da nijedan kandidat iz reda ostalih nije dobio podršku Doma.

Ad – 12. Davanje saglasnosti za ratifikaciju:

- a) Sporazuma između Ministarstva sigurnosti BiH i Saveznog ministarstva unutrašnjih poslova Republike Austrije o policijskoj saradnji,
- b) Sporazuma o zračnom saobraćaju između Vijeća ministara BiH i Vlade Republike Liban,
- c) Sporazuma između Vijeća ministara BiH i Savezne vlade Austrije o readmisiji lica koja imaju ilegalan boravak,
- d) Sporazuma o razvojnom kreditu (Projekat restrukturiranja obrazovanja) između Bosne i Hercegovine i Međunarodne asocijacije za razvoj,
- e) Sporazuma između Vijeća ministara BiH i Vlade Republike Slovačke o readmisiji lica,
- g) Sporazuma između Vijeća ministara BiH i Vlade Republike Slovačke o saradnji u borbi protiv kriminala, a posebno terorizma, nedozvoljene trgovine narkoticima i organiziranog kriminala,
- f) Sporazuma o finansiranju (Projekat registracije zemljišta) između Bosne i Hercegovine i Međunarodne asocijacije za razvoj (IDA),
- g) Trgovinskog sporazuma između Bosne i Hercegovine i Vlade Hašemitske Kraljevine Jordan,
- h) Sporazuma između Bosne i Hercegovine i Vlade Hašemitske Kraljevine Jordan o recipročnom unapređenju i zaštiti investicija,
- i) Sporazuma između Vijeća ministara BiH i Vlade Kraljevine Švedske o pojednostavljenoj proceduri readmisije lica koja nemaju dozvolu ulaska ili boravka,
- j) Evropske socijalne povelje (revidirana),
- k) Sporazuma o finansiranju ECSEE (Projekat – Komponenta za Bosnu i Hercegovinu) između Bosne i Hercegovine i Međunarodne asocijacije za razvoj,
- l) Konvencije o policijskoj saradnji za Jugoistočnu Evropu,

- m) Sporazuma između Bosne i Hercegovine i Republike Indije o utvrđivanju i zaštiti investicija,
- n) Sporazuma o zračnom saobraćaju između Vijeća ministara BiH i Vlade Velike Socijalističke Narodne Libijske Arapske Džamahirije,
- o) Sporazuma između Bosne i Hercegovine i zemalja Beneluksa (Kraljevine Belgije, Kraljevine Holandije i Velikog Vojvodstva Luksemburg) o readmisiji i ponovnom vraćanju lica koja su ušla i/ili borave bez ovlaštenja i Protokola o implementaciji Sporazuma između Bosne i Hercegovine i zemalja Beneluksa o readmisiji i ponovnom vraćanju lica koja su ušla i/ili borave bez ovlaštenja,
- p) Multilateralnog sporazuma o zračnom saobraćaju između Evropske zajednice i njenih zemalja članica, Republike Albanije, Bosne i Hercegovine, Republike Bugarske, Republike Hrvatske, bivše Jugoslavenske Republike Makedonije, Republike Island, Republike Crne Gore, Kraljevine Norveške, Rumunije, Srbije i Privremene administrativne misije Ujedinjenih naroda na Kosovu o uspostavljanju evropske zajedničke zrakoplovne oblasti (ECAA),
- q) Sporazuma između Visokog predstavnika za BiH i Bosne i Hercegovine o Uredu registrara za Odsjek I. za ratne zločine i Odsjek II. za organizirani kriminal, privredni kriminal i korupciju Krivičnog i Apelacionog odjela Suda BiH, kao i Posebnog odjela za ratne zločine, te Posebnog odjela za organizirani kriminal, privredni kriminal i korupciju Tužilaštva BiH, kao i o osnivanju Tranzicionog vijeća kojim se zamjenjuje Sporazum o uspostavi Ureda registrara od 1. decembra 2004. i Dodatak tog sporazuma,
- r) Sporazuma o izmjenama i dopunama Ugovora o finansiranju između Bosne i Hercegovine i Evropske investicione banke – Projekat za puteve BiH (Sarajevska zaobilaznica),
- s) Sporazuma između Vijeća ministara BiH i Vlade Republike Slovenije o prihvatu lica čiji je boravak nezakonit i Protokola između Vijeća ministara BiH i Vlade Republike Slovenije o provođenju Sporazuma između Vijeća ministara BiH i Vlade Republike Slovenije o prihvatu lica čiji je boravak nezakonit,
- t) Ugovora o finansiranju između Bosne i Hercegovine i Evropske investicione banke – Projekat rekonstrukcije puteva u Republici Srpskoj,
- u) Okvirnog ugovora o kreditu F/P 1523 između Bosne i Hercegovine i Razvojne banke Vijeća Evrope – Projekat obnove Gimnazije Mostar,
- v) Konvencije o zaštiti ljudskih prava i dostojanstva ljudskog bića po pitanju primjene biologije i medicine,
- w) Okvirnog kreditnog sporazuma F/P 1520. između Bosne i Hercegovine i Razvojne banke Vijeća Evrope – finansiranje rekonstrukcije sistema primarne zdravstvene zaštite,
- y) Projektni kreditni sporazum – Projekat unapređenja ruralnog preduzetništva između Bosne i Hercegovine i Međunarodnog fonda za poljoprivredni razvoj (IFAD).

Predsjedavajući Belkić predložio je da se, zbog efikasnosti, o sporazumima iz ove tačke glasa u paketu ako nema nekih većih primjedbi.

U raspravi je Milorad Živković prigovorio na Konvenciju o zaštiti ljudskih prava i dostojanstva ljudskog bića po pitanju primjene biologije i medicine. Rekao je da je u Konvenciji navedeno, između ostalog, da BiH ima pravo da u sklapanju ovih ugovora i sporazuma da' određene zamjerke, primjedbe i uslove, kao i da je u Konvenciji direktno navedeno da se obavezuje BiH i svi njeni organi da pruže adekvatnu zdravstvenu zaštitu svim ljudima na prostoru BiH. Dodao je da postoji mogućnost da organi u BiH nisu osigurali adekvatnu zdravstvenu zaštitu i da time dolazimo u situaciju da neko tuži BiH kao državu, a kako znamo u BiH oko 60% građana nema takvu zdravstvenu zaštitu. Predložio je da se ova konvencija izuzme i da se od Vijeća ministara BiH zatraži informacija da li su davali kakve primjedbe i ima li mogućnosti za to.

Sadik Ahmetović i Bakir Izetbegović usprotivili su se prijedlogu Živkovića, kazavši, uz ostalo, da je normalno da svi ljudi imaju pravo na zdravstvenu zaštitu.

Sefer Halilović pridružio se Ahmetoviću i Izetbegoviću u podršci Konvenciji. On je rekao da misli da bi trebalo raspravljati o nekim drugim sporazumima, naročito kad su u pitanju krediti, jer mu se čini potpuno banalnim da se diže kredit od dva miliona eura za rekonstrukciju gimnazije ili da se uzima kredit za izgradnju

zaobilaznice kod Sarajeva. Rekao je da ima primjedbi i na sporazum u zračnom saobraćaju, iznoseći posebno razlike u cijenama avio-karata između kompanija. Predložio je da Vijeće ministara BiH pokuša ujednačiti cijene karata po evropskim standardima.

Mirko Okolić predložio je da se izdvoje sporazumi na koje ima primjedbi, a da se o ostalim glasa u paketu da se ne bi gubilo vrijeme.

Ekrem Ajanović rekao je, pored ostalog, da su svi sporazumi prošli raspravu kroz više instanci i da bi ih trebalo usvojiti u paketu. Posebno je podržao spomenutu konvenciju.

Azra Alajbegović također je podržala Konvenciju apostrofirajući njene neke segmente.

Milorad Živković je, odgovarajući na diskusije o Konvenciji, rekao da misli da ga poslanici nisu razumjeli, jer on nije tražio da se Konvencija ne donese, već da je on iznio bojazan da BiH u ovom trenutku neće moći ispoštovati odredbe Konvencije i da se ostavlja mogućnost većem broju građana da tuži državu zbog nepoštovanja Konvencije. Njegov je prijedlog da se zatraži od nadležnog ministarstva da se jednim članom kaže šta BiH u ovom trenutku nije u mogućnosti da ispuni, što i član 36. Konvencije dozvoljava, rekao je Milorad Živković.

Azra Hadžiahmetović naglasila je da potpuno razumije šta Živković govori, ali da misli da usvajanje Konvencije može biti stimulans svima nama, a posebno ljekarima u Parlamentu, da se što prije inicira donošenje potrebnih zakona i da se za to urgira i kod Vijeća ministara BiH. Naglasila je da bi neusvajanje Konvencije izazvalo više negativnih efekata nego što bi bili oni o kojima je govorio Živković.

U vezi s primjedbom Sefera Halilovića, Azra Hadžiahmetović kazala je da se sporazumi ne zaključuju s kompanijama, već da multilateralni sporazum o zračnom saobraćaju, između ostalog, uređuje jedan sistem na području zemalja na koje se odnosi.

Šefik Džaferović je, pored ostalog, rekao da nijedan sporazum nije moguće promijeniti ni od jednog organa države, te pozvao da se da saglasnost za ratifikaciju svih sporazuma iz predmetne tačke.

Još su ponovo diskutirali: Milorad Živković, Ekrem Ajanović i Safet Halilović.

Nakon rasprave predsjedavajući Belkić rekao je da nema ništa protiv, pod uslovom da se danas da saglasnost za ratifikaciju svih sporazum i Konvencije, da se ispred Kolegija uputi dopis institucijama koje su učestvovala u zaključivanju Konvencije o zaštiti ljudskih prava i dostojanstva ljudskog bića po pitanju primjene biologije i medicine - u cilju zaštite interesa BiH. Milorad Živković se složio s ovim prijedlogom predsjedavajućeg. Predsjedavajući je zatim sve akte iz ove tačke dnevnog reda dao na glasanje».

Sa 30 glasova "za" (Federacija BiH 17, RS 13), jednim "protiv" i pet "suzdržanih", Dom je dao saglasnost za ratifikaciju svih akata iz ove tačke dnevnog reda.

Ad – 13. Prijedlog zaključka Zlatka Lagumdžije

Predsjedavajući je podsjetio da je predsjedavajući Kluba SDP-a Jozo Križanović predložio da se u dnevni red uvrsti prijedlog zaključka Zlatka Lagumdžije koji glasi: «Zadužuje se Vijeće ministara BiH da, uz punu koordinaciju nadležnih ministarstava, a prije svega Ministarstva pravde, Ministarstva za ljudska prava i Ministarstva vanjskih poslova i uz pomoć Predsjedništva BiH, pristupi izradi i realizaciji mape puta za povratak «bh. šestorke» iz Gvantanamo, o čemu će za tri mjeseca podnijeti izvještaj».

U raspravi je Ekrem Ajanović podržao prijedlog zaključka, uz prijedlog da se nađe adekvatan izraz umjesto riječi pod navodnicima «bh. šestorka», kao npr. «državljeni BiH».

Sadik Bahtić je također podržao prijedlog zaključka i naglasio da i Parlament i Vijeće ministara BiH treba da učine sve da se ovaj proces što prije završi.

Jozo Križanović podržao je predloženu izmjenu vezano za riječi «bh. šestorka», da se umjesto toga napiše «šest građana BiH».

Milorad Živković rekao je da se o predloženom zaključku otvorila rasprava a da nisu riješena neka prethodna pitanja, kao npr. da li su ti ljudi stvarno državljani BiH, da li naša komisija za reviziju državljanstava ima podatak da su to građani BiH, te da li je Vijeće ministara BiH u mogućnosti da napravi plan povratka. Zato je mnogo primjerenije da se u zaključku kaže da se zadužuje Vijeće ministara BiH da razmotri mogućnost..., a ne da se zadužuje da napravi plan, rekao je Živković.

Poslije rasprave, predsjedavajući Belkić podsjetio je na dvije predložene izmjene u prijedlogu zaključka i pozvao predstavnika predlagača da se o tome izjasni.

Jozo Križanović rekao je da se složio s primjedbom vezano za izraz «bh. šestorka», a da za izmjenu koju predlaže Živković nema potrebe, jer će Vijeće ministara BiH svakako razmotriti mogućnost i to je jedna faza, a da je suština u tome da se napravi konkretan plan šta će koje ministarstvo preduzeti, ali da bude strog zathjev zaključka prema nadležnom ministarstvu da učine ono što je u njihovoj moći, rekao je Jozo Križanović

Predsjedavajući je konstatirao prihvaćenu primjebdu i prijedlog zaključka dao na glasanje.

"Za" su glasala 23 (Federacija BiH 21, RS dva), "protiv" jedan, "suzdržalo" se 12 poslanika.

Predsjedavajući Belkić konstatirao je da prijedlog zaključka nije dobio entitetsku većinu i da će se u Kolegiju kao komisiji provesti postupak usaglašavanja u skladu s Poslovníkom.

Ovim je realiziran dnevni red 4. sjednice.

Zaključujući sjednicu, predsjedavajući Belkić najavio je održavanje naredne sjednice Doma za 15. mart, a za 16. mart plenarnu sjednicu oba doma radi obraćanja Ollija Rena.

Ovim je, u 14,00 sati, završena 4. sjednica Predstavničkog doma.

Sastavni dio Zapisnika je transkript sjednice.

SEKRETAR
PREDSTAVNIČKOG DOMA
Branka Todorović

PREDSJEDAVAJUĆI
PREDSTAVNIČKOG DOMA
Beriz Belkić